

Канон Великой Субботы

Есть же канон, от первых песни до шестых, творение Марка монаха, епископа Идруитского: ирмосы же творение жены некия, Кассии именуемая. От 6-я же песни до конца творение господина Космы. Краегранение же канона: Кай симерон де Савватон мелпо Мэга. Сиесть: И днесь же Субботу пою Великую. Глас 6.

Песнь 1.

Ирмос: *Волною морскою / Скрывшаго древле, / гонителя мучителя, под землю скривша / спасенных отроцы; / но мы, яко отроковицы, / Господеву поим, / славно бо прославися.*

{К} Господи Боже мой, / исходное пение и надгробную Тебе песнь воспою, / погребением Твоим жизни моея входы отверзшему, / и смертию смерть и ад умертвившему.

{А} Горé Тя на Престоле и доле во гробе, / премирная и подземная, помышляющая, Спасе мой, / зыбляхуся умерщвлением Твоим, / паче ума бо виден был еси мертв, Живоначальниче.

{П} Да Твоея славы вся исполниши, / сшел еси в нижняя земли, / от Тебе бо не скрився состав мой, иже во Адаме, и погребен, / истлевша мя обновляеши, Человеколюбче.

Песнь 3.

Ирмос: *Тебе, на водах / повесившаго / всю землю недержимо, / тварь видевши / на лобнем висима, / ужасом многим содрогашеся, / несть свят, / разве Тебе, Господи, зывающа.*

{Σ} Образы погребения Твоего показал еси, видения умножив. / Ныне же сокровенная Твоя богомужно уяснил еси, и сущим во аде, Владыко, / несть свят, разве Тебе, Господи, зывающим.

{Н} Простерл еси длани и соединил еси древле разстоящаяся. / Одеяннем же, Спасе, еже в плащанице и во гробе, / окованныя разрешил еси, / несть свят, разве Тебе, Господи, зывающа.

{М} Гробом и печатями, Невместиме, / содержимь был еси хотением, / ибо силу Твою действа показал еси, / богодейственно поющим: / несть свят, разве Тебе, Господи, Человеколюбче.

Седален, глас 1:

Гроб Твой, Спасе, воины стрегущии, / мертви от облистания являшагося Ангела быша, / проповедающа женам Воскресение. / Тебе славим, тли потребителя! / Тебе припадаем, Воскресшему из гроба, / и Единому Богу нашему!

Слава, и ныне, тойже.

Песнь 4.

Ирмос: *На Кресте Твое / Божественное истощание / провидя Аввакум, / ужасся, вопияше: / Ты сильных пресека еси / державу, Блаже, / приобщаяся сущим во аде, яко Всесилен.*

{E} Седьмый день днесь освятил еси, / егже древле благословил еси упокоением дел, / преводиши бо всяческая и обновляеши, / субботаствуя, Спасе мой, и назидая.

{P} Силою лучшаго, победившаго Тебе, / от плоти душа Твоя разделися, / растерзаючи бо обою узы, / смерти и ада, Слове, державою Твоею.

{O} Ад, Слове, срет Тя огорчися, / человека зря обожена, / уязвлена ранами, и Всесильнодетеля, / страшным же зраком погибе.

Песнь 5.

Ирмос: *Богоявления Твоего, Христэ, / к нам милостивно бывшаго, / Исаия Свет виде Невечерний, / из нощи утреневав зываше: / воскреснут мертви, / и востанут сущии во гробех, / и вси земнороднии возрадуются.*

{N} Новотвориши земныя, Создателю, перстен быв, / и плащаница и гроб являют еже в Тебе, Слове, таинство. / Благообразный бо советник, Тебе Родшаго совет образует, / в Тебе велелепно новотворящаго мя.

{D} Смертию смертное, / погребением тленное предлагаеши, / нетленно твориши бо, / боголепно безсмертно творя приятие, / плоть бо Твоя истления не виде, Владыко, / ниже душа Твоя во аде страннолепно оставлена бысть.

{E} Из Небращныя прошед, и прободен в ребра, Содетелю мой, / из Нея соделал еси обновление Евино, Адам быв, / уснув паче естества сном естественным, / и жизнь воздвигнув от сна и тления, яко Всесилен.

Песнь 6.

{Σ} Ирмос: *Ят бысть, / но не удержан в персах китовых Иона, / Твой бо образ нося, / Страдавшаго, и погребению давшагося, / яко от чертога от зверя изыде. / Приглашаше же кустодии, / хранящии суетная и ложная, / милость сию оставили есте.*

{A} Биен был еси, но не разделился еси, Слове, / еяже причастился еси плоти, / аще бо и разорился Твой храм во время страсти, / но и тако един бе состав Божества и плоти Твоея. / Во обоих бо Един еси Сын, Слово Божие, Бог и Человек.

{B} Человекоубийственно, но не богоубийственно бысть прегрешение Адамово, / аще бо и пострадал Твоея плоти перстное существо, / но Божество безстрастно пребысть, / тленное же Твое на нетление преложил еси, / и нетленные жизни показал еси источник Воскресением.

{B} Царствует ад, но не вечно над родом человеческим, / Ты бо положся во гробе Державне, живоначальною дланию, / смерти ключи развергл еси, / и проповедал еси от века тамо спящим, избавление неложное / быв, Спасе, мертвым первенец.

Кондак, глас 6:

Бѣздну заключивый мертв зрится, / и смиренною и плашаницею обвився, / во гробе полагается, яко смертный, Безсмертный, / жены же приидоша помазати Его миром, / плачущия горько и вопиющия: / сия суббота есть преблагословенная, / в нейже Христос уснув, воскреснет тридневен.

Икос: Содержай вся на Крест вознесся, / и рыдает вся тварь, Того видящи нага висяща на древе, / солнце лучи сокры и звезды отложиша свет, / земля же со многим страхом поколебася и море побеже, / и камень распался, гроби же многи отверзошася, / и телеса восташа святых мужей. / Ад низу стенет, / и иудее советуют оклеветати Христово Воскресение. / Жены же взывают: / сия суббота есть преблагословенная, / в нейже Христос уснув, воскреснет тридневен.

Песнь 7.

{А} *Ирмос:* **Неизреченное чудо, / в пещи избавивый / преподобныя отроки из пламене, / во гробе мертв / бездыханен полагается, / во спасение нас поющих: / Избавителю Боже, / благословен еси.**

{Т} Уязвися ад, в сердце / прием Уязвеннаго копием в ребра, / и воздыхает огнем Божественным иждиваемь, / во спасение нас, поющих: / Избавителю Боже, благословен еси.

{О} Богат гроб, / в себе бо прием, яко спяща, Содетеля, / жизни Божественное сокровище показася, / во спасение нас, поющих: / Избавителю Боже, благословен еси.

{Н} Законом умерших / еже во гробе положение, всех приемлет Жизнь, / и сего источника показывает востания, / во спасение нас, поющих: / Избавителю Боже, благословен еси.

{М} Единое быше неразлучное, / еже во аде, и во гробе, и во Едеме, / Божество Христово, со Отцем и Духом, / во спасение нас, поющих: / Избавителю Боже, благословен еси.

Песнь 8.

{Е} *Ирмос:* **Ужаснися бойся небо, / и да подвижатся основания земли: / се бо в мертвецех вменяется в живых, / и во гроб мал странноприимлется. / Егоже отроцы благословите, / священницы воспойте, / людие превозносите во вся веки.**

{А} Разрушися Пречистый храм, / падшую же совозставляет скинию, / Адаму бо первому Вторый, Иже в живых, / сниде даже до адовых сокровищ. / Егоже отроцы благословите, / священницы воспойте, / людие превозносите во вся веки.

{П} Преста дерзость учеников, / Аримафей же изрядствует Иосиф, / мёртва бо и нага зря, над всеми Бога, / просит и погребает, зовый: / отроцы благословите, / священницы воспойте, / людие, превозносите во вся веки.

{Ω} О чудес новых! / О благодати! / О неизреченного терпения! / Волею бо под землю печатлется, Иже в вышних Живый, / и яко льстец, Бог оклеветается. / Егоже отроцы благословите, / священницы воспойте, / людие превозносите во вся веки.

Песнь 9.

{М} *Ирмос: Не рыдай Мене, Мати, / зрящи во гробе, / Егоже во чреве без семени зачала еси Сына. / Востану бо и прославлюся, / и вознесу со славою, непрестанно, яко Бог, / верою и любовью Тя величающия.*

{Е} В странном Твоем рождестве, / болезней избежавше паче естества, / убожился, Безначальне Сыне, / ныне же Ты, Боже мой, / бездыханна зрящи мертва, / оружием печали растерзаюся люте, / но воскресни, яко да возвеличуся.

{Г} Земля покрывает Мя хотяща, / но устрашаются адовы вратницы, / одяна видяще одеждою окровавленою, Мати, отщениа, / враги бо Крестом поразив, яко Бог, / воскресну паки и возвеличу Тя.

{А} Да радуется тварь, / да веселятся вси земнороднии, / враг бо пленися ад, / с мiры жены да сретают, / Адама со Евою избавляю всеродна, / и в третий день воскресну.